

آبونه شرائطی : هریر ایچون
سنه لکی (۴۰۰) آلتی آیلنی
(۲۲۵) ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندن

اخطارات

آبونه بدلی پشیندر .

مسلكه موافق آثار مع الممنونیه
قبول اولتور . درج ایدله یین
یازیلر اعاده اولتماز .

والله یهدی من یشاء الی صراط مستقیم

باش محرر
محمد عاکف

صاحب و مدیر
اشرف ادیب

تبعون اهدکم سبیل الرشاد

تذکره

آدره من تبدیلنده آیریجه
• غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسینی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولتور .

پاره کوندردلیکی زمان نهیه
داثر اولدینی بیلدیرلسی
رجا اولتور

* پنجشنبه *

۲۰ کانون اول ۱۳۳۹

۱۲ جمادی الاولی ۱۳۴۲

عدد ۵۸۰

جلد ۲۳

یرلرده برر ضابط تعیینیه طلبه لرك موقع تحصیل لرنده تعلیم ایدملریدر .
کونده بر ویا ایکی ساعت تعلیم ایدن طلبه عینی زمانده درس لرینده
تعقیب ایده بیله جکندن هرا یکی منفعت آله ایدلمش اولور .
بو عریضه نك محتویاتی قلوب اسلامیة نك درین گوشه لرندن
قویوب کلن بر صدا و جریحه دار سینه لرندن ظهور ایدن برندا اولوب
و کالت سامیرلر نجه ده اسعاف بیورلمسی رجا واسترحام اولنور .

طلبه نك استرعامانی

امور شرعی و اوقاف و کالت مجلیه سنده

اهمال و لایقیدی یوزندن صوك زمانلرده اك آجینه جق برحاله کلن
مدرسه لرك یکی باشند اصلاح و احیاسنه همت ایدن بویوك ملت مجلسی
مدرسه لرك اداره سی و طرز تدریسی حقیقده بر قانون نشر و تعمیم
ایتدی . شوقدرکه اووقتک ایجاباتی اوله رق مدرسه لره لازم کلدیکی قدر
تخصیصات تعیین ایده مدی . اوت ، اووقتک حکومت ملیه مزك حال حریده
اولسی طولا یسیله بودجه سنك حریدن باشقه شیلره مساعد اوله مایه جنی
طبیعیدر . لکن شیمدی حمد اولسون مظفر اردومن حربی قازاندی ،
دشمنلریمزى مقدس وطنمزدن چیقاردی ، شان ملیمزه لایق صالح
یادق . آرتیق امور داخلیه مزك اصلاحنه چالشمقده یز . معارف نك ده
لایق اولدینی الفانه مظهر اولدینی چشم افتخارله کورمکده یز . از جمله
بتون مکتبلریمزه مستوفی معاشلی معلملر و مدیرلر تعیین و نواقصی
اکال اولنقده در . مدرسه لرك ترقی و تعالیسی ایچونده لازم کلن همتی
حکومت مزك دریغ اتمیه جکنی قویاً امید و اواملریمزك ساحه تطبیقه
چیقارلمسی کال تهالکله انتظار ایتکده یز . هر عرفان اوجانی
آز چوق فیض ملیدن حصه انتفاعی آلدینی بر مانده البته یز
طلبه علومده محروم قاله جق دکاز . مدرسه لریمز ، حقیقی وجدی
بر معاونته چوق محتاجدر . بزواللیلر حالا رطوبتلی ، مقسی ، طوبراق
یغینندن باشقه برشی اولیان خراب ، غیره می بر طاقم اسکی مدرسه لرك
هجرا گوشه لرنده یو وارلنقده یز . بزده بو وطنك اولادی یز .

معارف اداره سی کویلد واریجه قدر بر طاقم می مکتب بنالری
یادیردینی و مستوفی معاشلر ایله معلملر تعیین ایلدیکنی کال بمنو نیتله کوریورز ،
ان شاء الله مدرسه لرده بوحایه مظهر اوله جقدر .

دین اسلامی یاشانه جق مدرسه لره بونجه اصحاب خیر طرفندن
ترك و تبرع ایدیلان اوقافدن اولسون حصه یاب اولمغه حقمز یوقیدر ؟
یکی مدرسه لر نظامنامه سی موجبنجه مکتبلرده اوقونان درس لرك همان
هپسی تدریس و تدرس اولنمنی و امتحانلر ائساننده مملکتك اك بیوك
عسکری و ملکی مأمورلرینك بولنمنی کبی بر طاقم شرائطی حاوی

مشهورده و مسموعه یه قارشى تدابیر سریعه اتخا ذینك وجوبنی حکومت
مایه من تقدیر ایدرك بو مغوی دوشمانلره قارشى ده بیکانه قالماش ،
یونك ده اوردولری اولان قافله علمانك ترقی و تعالیسنی پیش نظره
آلمش ، بر طاقم اسباب دولایسیله نور و ضیاسی سونمکه یوز طوتان
مدارس علمیة نك یکی باشند کشادی و مطلوب وجه اوزره احیا
و ادامه سی ایچون لازمکلان پروگرامی تنظیم ایتمش ، بو مساعی مشكوره نك
آثار فیض ده تجلی به باشلامش ایدی . سعادت اسلامیة بی اخص آمال
اتخاذ ایدن مدرسلریمز فقر و ضرورتك پنجه لری آلتنده ایکیم ایکیم
ایکلمکده اولدینی حالده بوتون ضرورتلرینه رغماً تنور قلوب مؤمنینه
کما فی السابق دوام ایتدیلر . یز ملت اسلامیة نك باعث نجاتی اولان
بو مسلك عالینك کال عظمتله تعالی به مظهر اولمنی درت کوزله انتظار
ایتکده ایکن صوك زمانلرده بعض محللرده طلبه لره مخصوص اولمق
اوزره انشا ایدیلان بنالرك اللرندن آلتوب باشقه مؤسسه لره ویرلمسی
کبی بعض حادثه لر بزى دلخون ایتمش و مدافعه ملیه و کالتی اوردو
دائرة سنك ۲/۱۲۵۸۵ و ۱۹ نومرولو و ۱۹ نومر ۳۳۹ تاریخلی
قرار عمومیسده مدرسه طائفی تمکدن صارصمشددر . دارالخلافه
و مکتاتب سازه طلبه لری اکال تحصیله دکن تأجل ایدلکری حالده
مدارس علمیة طلبه سی نیچون تأجل ایدلیور ؟ هر حالده مدارس
علمیه طلبه سی ده دیگر مؤسسات عرفانیه طلبه لری کبی اکال تحصیله دکن
تأجل ایدیلر ، دییه امید ایدییوردق . بر سنه خدمت مقصوده سی
ایفا ایدن بر طلبه تکرار مدرسه یه عودتله اکال تحصیل ایده بیلمی ؟
طلبه نك قسم اعظمی برنجی و ایکنجه صنفدن ترفیع ایده جک و دردنجه صنفی
آشمندن عسکرلکی کلنجه طلبه اولمایانلر مثلاً معامله کوره جک اولان
او طلبه نك قطعاً و قاطبة بر دهها مدرسه یه آفاق آتمایه جنی ایکی کره
ایکینك درت ایتدیکى قدر جلی بر حقیقتدر .

قرا و محلاتك لبوس بوتون امامسز قالدینی ، مسلمان اولرینك
مسلمینك تجهیز و تکفین و مراسم دینه سائره سی اجرا اولنه مدینی ،
دیانت اسلامیة نك هر طرفده افوله یوز طوتدینی ؟ مرکزده ملحق
اولان خاصه و بفیجه و اصلاحیه و درتیول قضا لرند مدرسه اولمایوب
مرکزده بولونان طلبه لرك ده مملکتیمزك احتیاجاته نظراً يك جزئی
بر یكون تشکیل ایتدیکى بر زمانده داخل اسنان اولیان طلبه لرك بیله
بو قراردن متأثراً درس لرینی ترك ایده رك صاوشوب کیتمه لری بزى
اندیشه یه دوشورمکده در . مقصدیمز طلبه لری عسکرلکدن قاجبرمق
دکدر . یز بو خصوصده اوج چاره دوشونه ییلدك : ۱) مدرسه یه
قید و قبول ایدیلان طلبه لرك هر هانکی صنفدن اولورسه اولسون
یا خدمت مقصوده کورمه لری ، ۲) یا خود دیگر مؤسسه عرفانیه ده
اوله جنی کبی اکال تحصیله دکن تأجیللری ۳) یا خود مدرسه بولونان

ہب عینی نقرات

اقشام غزنیسی کچنلرہ اور تہیہ آندینی ضرب بر دعوائی متادیاً
ایلی سوروب طور یور۔ اقشامہ کورہ کویا جہوریت مؤسسات وقوانین
شرعیہ ایله بر آرہدہ بولونہ مازمش ، بناء علیہ محاکم شرعیہ قاننامالی ،
شرعیہ وکالتی ہیئت وکیلہ آرہسندن چیقمالی ، قوانین شرعیہ یرینہ
عصری قانونلر اقامہ ایڈیلی ایش ۱۰۰

بو معناسز ادعا حقندہ کچن نسخہ لر مزیدہ متعدد مقالہ لر یازدق ،
بونک قطعاً طوغرو اولمادیغنی ، بو سوزلرک نہ علم ایله ، نہ دہ مصلحت
ملت ایله هیچ بر مناسبتی بولمادیغنی ، بو کی قیمت علمیہ واجتماعیہ سی
اولمایان سوزلر آنجق اسلامہ قارشی خصوصیتدن ، یا خود مسلمانلق
حقندہ جہلدن طولای سوبیلہ بیله جکفی ، جہوریتک مؤسسات
وقوانین شرعیہ ایله پک کوزل قاننامہ بیله جکفی ، بناء علیہ مشروطیت
دورندہ قالدیریلق ایستہن مؤسسات وقوانین شرعیہ نک جہوریت
دورندہ بر حیات نوین اکتساب ایدرک دہا اساسی و دہا فیاض و متکامل
بر صورتندہ تطبیق ایدیلہ جکفی ایضاح ایش ، اقشام غزنیسی ہب
محوری و دارالفنون اجتماعیات معلی نجم الدین صادق بکدن بعض
سؤاللر صور مشدق۔ فقط مومی الیہ نہ صور دقلریمزہ جواب ویرہ بیلدی ،
نہ دہ بویله بر مباحثہ علمیہ واجتماعیہ یاناشدی ۔ شیمدی ایکیدہ
بر او معناسز دعوائی ایلی سوروب طور یور ۔

کچنلرہ محاکم شرعیہ نک الفسا اولونہ جقنہ دائر یومی غزنیہ لک
غسابلری آنقرہ دن تلغرافلر چکمشلردی ۔ بالاخرہ بونک طوغرو
اولمادیغنی آکلاشیلدی ۔ بو مناسبتہ عدلیہ وکیلی سید بک بیاناتدہ
بولوندی :

« بونک امکانی اولمادیغنی ، بر طرفدن احکام شرعیہ یی مدنی
قانونلر حالہ صوقارکن دیگر طرفدن محاکم شرعیہ نک لغوی ایچون
هیچ بر سبب موجود اولمادیغنی ، بالعکس بو محکمہ لرہ لزوم اولدیغنی
و محاکم شرعیہ نک حقوق حائلہ قانونی تطبیق ایله مکلف اولدیغنی ،
سویلدی ۔ اقشام غزنیسی بوکادہ چاندی :

« بوناویل جہوریتدرکہ معین ومدون قانونلری آیری آیری مقاملرہ تابع
ایکی نوع محکمہ تطبیق ایدر ؟ عدالتک تطبیق دینی مقاملرہ برافیور ؟
جہوریت بر کلدز ، بوتون ذہنیتک ہیئت مجموعہ سیدر ، جہوریتی تماملامق ،
محاکم شرعیہ یی الفا ایتمک ایچون ، زمان دکل ، یالکنز جسارت لازمدر ۔ »

دیدی ۔ اوندن صوکرہ حقوق حائلہ قرارنامہ سنک احکام شرعیہ یی
ابتنا ایتمی دہ ینہ اقشام غزنیسی ایچون و دیگر بعض غزنیہ لر ایچون
وسیلہ هجوم اولدی ۔ « تورکیہ جہوریتی جہوریت اولہ بیلیمک ایچون
اولا عصری قانونلرہ اداره ایدیمک مجبوریتدن ؛ ازدواج ، طلاق ،
وراثت کی حقوقی مناسباتک مبہم شکلرہ اولدیغندن ، بحث اولوندی ۔

امرلریکنز متوالیاً ورود ایتمکدہ در ۔ بر آزدہ بونلر نرہ دہ ونہ کی
حجر لردہ امرار حیات ایدبورلر ونہ کی مدرس ومعلملردن اوقیورلر ،
کندیلرینک ، مدرس ومعلملرینک معیشتی ناصیلدر ؟ دیہ سؤال
لطفندہ بولونمکیزی رجا ایدرز ۔ واقعا شمدنی یہ قدر بوعالی مسلك
خدای نابت اولہرق میدانہ کلش واسلام حکومتلرینک مدار افتخاری
اولان بونجہ علما یتشدیرمش ایسہ دہ اووقتلرک شیمدیکی عصرہ قیاس
ایدیلہ میہ جکی معلوم فضیلتلریدر ۔ چونکہ مکتب طلبہ سنک کاشانہ لردہ
رفاہ وسعادتہ تحصیل ایتدکاری و کندیلری ایچون مختلف صورتدہ
غایہ لر ارانہ ایدلیدیکی نظر بمنوینتہ کوریورز۔ لکن بزلردہ بو وطنک
اولادی بز۔ بزلرکدہ حیات علمیہ ودینیہ نقطہ نظرندن بر قیمت واهمیتیز
اولسہ کرکدر۔ بزلری دہ بو پریشان وآجیقلی وضعیتدن قورتارمق ، بزلر
ایچون دہ برغایہ تثبیت ایتمک مقام معلاکزلک وظائفنددر صانیرز ۔

یوقسہ بوکیدیش ایله مدرسہ لر شہسز ادامہ حیات وموجودیتہ
مظہر اولہ ماز ۔ بز زوالی طلبہ لک اوان شبابتلری بویله ہدر اولوب
کیتہ سنک مسئولیتی عجبا کیملرہ هانددر ؟

برہ ؛ بتون مکتباردہ تحصیل ایدن طلبہ ، اکمال تحصیلہ قدر
تأجیل ایدیلیور دہ مدرسہ طلبہ سی اثنای تحصیلہ خدمت فعلیہ لرینی
ایفا ایچون سوق ایدیلیور ۔ اوت ، عسکرک بالخاصہ شو عصر دہ
اوزریمزہ ترتب ایدن الک مقدس وظیفہ لردندر ۔ ایجابی زمانندہ جملہ مزک
بو امر جہادہ اجابت ایدہ جکی شہیدن وارستہ در ۔ نتہ کیم بن ونیم
کی بر چوق آرقداشلریمز دہ حرب عمومی دہ چناق قلعه ، فلسطین
ودہا نیجہ ، نیجہ موقع حربلردہ اثبات وجود ایدہ رک وظیفہ متحتہ ۔
منزی ایفا ایلدک ۔ دہا پک یاقیندہ بیله مملکتتمزک دوشمانک اوملوت
اشغالندن تطہیر وتخلیص ایچون طوروس طاغلرندہ قیش کونلرینک
شدائد ومزاحمہ قاتلانہرق ، مادی تجهیزاتمزک فقدانہ رغماً جانسپارانہ
مقاومت ومدافعہ ایدہ رک بر چوق شہیدلر فدا ایتدک وعون حقلہ دہ
موفق اولدق ۔

بناء علیہ شیمدی صالح زمانندہ بز طلبہ علومکدہ دیگر مکتب
طلبہ سی کی اکمال تحصیلہ قدر تأجیلہ مساعدہ بیورلسہ مدرسہ لک
اندراسنہ قارشی حقیقی برسد چکمشل اولور ۔ یوقسہ اہمال ایدیلہ جک
اولورسہ مدرسہ لک حال حاضری بیله دوام ایدہ میوب محو ومنقرض
اولہ جنی مستغنی ایضاحدر ۔

شوحال اسف اشمالزی انظار حیتکیزہ عرض ایدیورز ۔ وبو
معروضاتمزی لطفاً سمع اعتبارہ آلہ جفمکیزہ واحتیاجاتمزک تطمینتہ
مرصورتہ ہمت بیورہ جفمکیزہ امیدوارز ۔ باقی محترم ومبارک اللریکنزدن
اوبرز افتدم ۔
اطنہ مدرسہ علمیہ سی طلبہ سی نامنہ

محمد ہلمی

۱۰ کانون اول سنہ ۱۳۳۹